

## OFK Prijedor - prvi dio

, poslao ElVedo  
Srijeda, 03 Februar 2010

OFK «Prijedor» - kao najveći uspjeh kluba treba izdvojiti kvalifikacije za Drugu ligu - zapad u julu 1969. godine. «Prijedor» je bio prvak Banjalucke zonske lige za sezonu 1968./1969. godine, te je s tim uspjehom dobio priliku da igra kvalifikacije za Drugu ligu sa ekipom zagrebackog «Jedinstva». U prvoj utakmici u Zagrebu «Prijedor» dozivljava poraz od 4:3 (iako je na poluvremenu vodio sa 3:0 !). Revans u Prijedoru za sedam dana.

Velika - historijska prilika za ulazak u Drugu ligu. Potrebna je minimalna pobjeda, dovoljno je i 1:0. Stadion je pun - 5.000 navijaca «Prijedora». Sredinom drugog poluvremena «Prijedor» dolazi u vodstvo. Cekao se kraj da slavije pocne, ali gosti uspejavaju izjednaciti..... Druga liga ostaje samo neostvareni san..... Uspjesi «Prijedora» narednih godina bili su ulasci u Republicku ligu BiH (treca liga). «Prijedor» je igrao u Republickoj ligi u sezonama 1973./1974. i 1978./1979. Samo jednu sezonu u oba navrata trajao je «ples» «Prijedora» u Republickoj ligi, vracalo se odmah u nizi rang takmicenja. I tako je «Prijedor» uglavnom igrao u toj Banjaluckoj zonskoj ligi, Krajiskoj zonskoj ligi ili kasnije Regionalnoj ligi BiH - sjever ili zapad (uglavnom iste lige koje su mjenjale nazive) sve do 1987. godine kada slijedi uspon «Prijedora» u ligaskim natjecanjima.

U ljeto 1987. godine «Prijedor» (kao pobjednik Regionalne lige BiH - zapad) igra kvalifikacije za Republicku ligu BiH protiv «Hajduka» iz Orasja (prvaka Regionalne lige BiH - sjever). Briljantna pobjeda u Prijedoru od 3:0 pred oko 6.000 gledalaca. Revans u Orasju završava s pobjedom domacina od 3:1 i tako se «Prijedor» po treci put vraca u Republicku ligu BiH. A novajlija u toj ligi «Prijedor» tokom prvenstva Republicke lige BiH 1987. / 1988. godine drzao je i vodecu poziciju na tablici..... da bi na kraju prvenstva završio na odlicnom petom mjestu, sto je bilo dovoljno, zbog reorganizacije takmicenja, da se plasira u novoformiranu ligu tzv. Medjurepublicku ligu - zapad od sezone 1988. / 1989. godine. Bila je to treca liga u Jugoslaviji i postojale su cetiri takve lige. U ovoj skupini «Zapad» gdje je igrao «Prijedor» igrali su klubovi iz Slovenije, Hrvatske (bez Slavonije i juzne Dalmacije) te iz BiH sjevero-zapadnog dijela (banjaluckog podrucja). Osim «Prijedora» u Medjurepublickoj ligi zapad, u njenoj prvoj sezoni postojanja od klubova iz BiH igrali su jos i «Jedinstvo» iz Bihaca i nas ljubijski «Rudar» koji je ispao iz Druge lige. Nadjose se «Prijedor» i «Rudar» nakon 15 godina ponovo u istoj ligi. To je bio ligaski najveći domet «Prijedora» (iako je i to bila liga treceg ranga), ali se igralo i s klubovima iz ostalih Republika bivse Jugoslavije, to je bilo prvi put da «Prijedor» igra ligu s klubovima izvan BiH. Bila je to jaka liga, mogu slodobno reci kvalitetom ne slabija od danasnje Premijer lige BiH, jer vecina klubova iz te lige su danas prvoligasi u Hrvatskoj i u Sloveniji te u BiH. «Prijedor» je igrao u toj ligi sve do raspada Jugoslavije 1991. godine, dakle tri sezone, o kojima vise u slijedecem nastavku..... Dario Hamzic